

上諭條例

第五十四冊

漢書門類		
八	九	〇
三	八	四
號	函	架
六	八	四
冊	架	冊

內閣文庫		
漢	八	九
書	〇	三
類	三	八
冊	四	七
架	冊	函

內閣文庫		
番號	漢	8903
冊數	64 (54)	
函號	287	19



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak 2007 TM, Kodak



江南海贛二州縣之板浦等六鹽場乾隆十年以前民灶舊
欠應徵耗羨通行豁免

戶部為欽奉

上諭事江南司業呈乾隆十二年正月初八日內閣奉

上諭江南海州沐陽贛榆等處積欠帶徵銀兩已經特恩豁免其隨正

耗羨例應照舊徵輸但念該地方積歉之餘元氣未復若仍追卹年
零星耗羨民力未免拮据着將海州及沐陽贛榆二縣并坐落海贛
二州縣之板浦徐瀆中正莞瀆臨洪興庄等六鹽場乾隆十年以前
民灶舊欠所有應徵耗羨通行豁免以惠災黎欽此

二州縣之對前會實中五等實湖共與五等六等並進利十年以前
零星疎美乃以木免部部者其地以水利則其地二級并坐其地
疎美因實湖實湖則合其地大其地之給亦未對其地也
土部二南也水利則其地其地入帶地地西了疎林且給其地五
土部事以南也其地是也利十二年五月八日內閣奉

勸民種植樹木 禮書告成摘刊 聖諭群黎
戶部欽承問察等事雲南司察呈戶科抄出大學士九卿議覆江
蘇學政尹會一條奏樹畜等款一摺

勸民種植樹木 禮書告成摘刊 聖諭群黎

一查樹畜久奉
戶部欽承問察等事雲南司察呈戶科抄出大學士九卿議覆江
蘇學政尹會一條奏樹畜等款一摺

諭令督撫大吏因地制宜及時經理查盜伐樹木律有明條地方官勸

民種植即申明禁令應令各督撫等恪遵從前

聖訓諭令各地方有司為閭閻誦自然之利反覆開導感以至誠使知

種植樹木寔有裨益并戒非時剪伐共相保守其有不肖人等擅
行盜竊他人樹木者一經發覺務按律懲治仍于每年歲底將現

條奏 勸民種植一

壬午密

年種過成活數目冊報上司備案該管道府就便巡查務使樽節
愛護則數年以後自然嘉木成陰感徵饒裕之象矣

一禮儀之宜節也以禮書宜摘示服色制度等語查禮書尚未完竣
應俟竣日將冠婚喪祭服色制度等禮摘取刊頒家喻戶曉群黎
遵守馴致道一風同矣

一奏稱舉能之途宜廣也請將各州縣內進士舉人中才品優裕者
令州縣保舉一人註明所長督撫考驗送部引

見恭候

皇上欽定命往各省試用等語查保舉一途原期得人以資寔用若保

舉非人即加濫舉而地方事務已被劣員廢弛究于政治無補應
將所奏毋庸議

一選拔之才宜酌用也查拔貢一項願考者照所考之職用願就教
者照所就之職用定例遵行已久今該學政奏請歲貢選拔訓導
酌定三年予以原品休致等語設三年內該員學問優裕訓導有
方則當久于其任不應勒令休致倘年已龍鍾亦不俟三年始行
甄別况歲貢銓用止有訓導一途若再將拔貢對選轉多壅滯必
有終身不得選者不特典例未合且于選法有乖應將該學政所
奏之處毋庸議等因于乾隆十二年二月初六日題本月初七日

古儀 議欽此

奉

酒米三平... 奏請酌定倉糧
... 奏請酌定倉糧
... 奏請酌定倉糧
... 奏請酌定倉糧
... 奏請酌定倉糧
... 奏請酌定倉糧
... 奏請酌定倉糧
... 奏請酌定倉糧
... 奏請酌定倉糧
... 奏請酌定倉糧

酌定倉糧撥補糶價存貯州縣道府加封盤驗

戶部為遵

奏事江南司案呈內閣抄出安徽布政使陳德榮奏請酌定倉糧
撥補糶價之例及存貯縣庫責令道府加封盤驗定以處分一摺
於乾隆十一年十二月初七日奉

硃批該部議奏欽此欽遵於本月初八日抄出到部該臣等會議得安
徽布政使陳德榮奏稱常平倉穀乾隆四年前任蘇撫張渠條奏
春糶之價秋後買補摠以本邑之盈餘撥補本邑不敷之價值嗣
於乾隆七年奉

酌定倉糧一

五年庚

上諭准其以別州縣之盈餘添補採買若荒歉之歲穀價甚昂酌量情形將應減若干 奏聞請 旨欽此欽遵在案臣體訪江北歛收郡縣連年糶價俱係大加酌減其餘豐收地方亦無盈餘開報間有一二處報出者為數無幾約計通省盈餘之數難敷補缺之項若不立定章程嚴加查核恐盈餘日少正額日虧請嗣後平糶倉糧如係出陳易新責成該管道府州稽察使有餘者據實報出無餘者照數還倉不得稍虧原額其所餘銀兩解貯司庫查明平糶大加核減者方酌量撥補其有偶爾歉收減價不過一錢以下及雖遇水旱勘不成災之區亦令自行買補不得請撥如或定有不

得已之情詳明上司確查出結方准量撥倘有隱匿盈餘及捏報不敷察出將承辦州縣并失察之該管道府州一并叅處賠補等語查乾隆四年九月內經前任蘓撫張 條奏官倉糶賣價銀合筭市價如有盈餘俟將來採買不敷准其撥抵摠以本邑之盈餘撥本邑不敷之價值并因災准在案續于乾隆七年二月內欽奉上諭地方積穀原以備緩急之需必及時買足方于貯蓄有益嗣後如該州縣當秋成之時穀價既屬不敷貯倉穀石又係不足者准其詳明上司以別州縣之盈餘添補採買欽此欽遵亦在案今該布政使陳德榮奏稱平糶倉糧出陳易新有餘者據實報出無餘者

照數還倉所餘銀兩解貯司庫查明平糶大加酌減者方酌量撥補其偶爾歉收勘不成寔減價在一錢以內者不得請撥如寔有不得已之情詳明上司出結方准量撥如有隱匿捏報察出將該管道府州一并叅處賠補等語臣等伏查積貯為地方之要務自宜籌酌盡善始於民食有賴而各員亦無賠補之虞江省積年火歉倉貯更為緊要如平糶倉糧該州縣原屬豐收於青黃不接之時出陳易新照例減糶者當秋成百穀告登之候按數買補其間自有盈餘若一概准其撥補不惟與大加酌減之州縣漫無區別且州縣恃有撥補之例漸滋浮冒之弊應如該布政使所奏責令

該管道府州嚴加稽察其尋常出易買補有餘者令其據寔報出無餘者不得稍虧原額所餘銀兩解貯司庫查明因災大加酌減之州縣准其撥補至偶爾歉收并勘不成災之州縣減價在一錢以內者不得請撥倘或秋成買補復遇災歉價值甚昂倉貯空虛必需及時買補寔出于不得已者據寔查明結報于盈餘銀內量行撥給倘有隱匿盈餘捏報不敷者察出將該管上司一并叅處賠補又奏稱乾隆元年定例春糶價值如秋後穀價騰湧將價銀解交府庫江省州縣向來多未解貯蓋因春秋領解盤費無出又有相隔江湖之處故難畫一遵行但糶價存貯州縣該上司稍不

覺察即致今移虧空查司府各庫備公銀兩俱係督撫封條封貯
凡遇交代詳明開免請嗣後糶價存之州縣者責令府州道員按
期選員給與封條眼同兌封再加該道府封條貯庫遇有巡查親
臨盤驗再行加封如遇交代照例開免一有虧空即行叅追等語
查乾隆元年二月內經戶部于議戾原署兵部侍郎王士俊條奏
案內以糶賣穀價例應提解司庫新穀出時赴司請領輾轉出入
每多暗損其府道有庫可收即令就近解貯不必悉提司庫等因
通行在案今該布政使陳德榮奏稱糶價解交府庫江省有江湖
之險難于畫一遵行請存貯州縣庫內責之府州道員按期給與

封條再加道府封條遇有巡查親臨盤驗如遇交代開免一有虧
空即行叅追等語查平糶價銀向例解交司庫續因春糶秋還仍
令該州縣領銀買補轉多解領之煩且不能及時採買是以議令
解交府庫今該布政使既稱解交府庫江省有江湖之險不能畫
一遵行將糶價存貯州縣責令該府巡查加封盤驗亦係因地制
宜事屬可行應如該布政使所奏又江省糶價如州縣附近府道
者仍行封貯府道庫內其是係離府寫遠解領不便者令道府請
領督撫封條貯州縣庫內秋後詳明該管道府面同拆封及時
買補至各該州縣虧那庫項向例原有應得處分前項封貯糶價

自宜加意慎重倘有虧挪即行照例嚴叅又奏稱糶價存貯州縣該管道府直隸州不行封貯及因此虧空那移者嚴定處分以懲積玩等語查定例州縣每年春間借出穀石自秋收後勒限征收盡數完納或有不肖州縣以糶借為名掩飾虧空該督撫即行指叅嚴審分別定罪追賠該管道府直隸知州有不時盤查之責如有徇隱失察等情亦即題叅照州縣官侵挪錢糧知府徇隱失察例分別辦理所虧倉穀着落賠補等語今該布政使陳德榮奏稱糶價存貯州縣該管道府直隸州不行封貯及因此虧空那移者嚴定處分等語又應請嗣後該管道府直隸州將存貯州縣糶價

不行封貯因此虧挪者即照知府徇隱失察例分別辦理所虧銀兩着落賠補俟

命下之日戶部移咨吏部蘇安二撫一體欽遵施行可也等因乾隆十二年二月二十九日題三月初一日奉

旨依議欽此

山西陝西等省民間多產蕎麥及黍稷糶穀項其各省別項糶糧補米全賴秋成豐稔民遺餘平糶民易許升斗即遇歉收歲歉販流通小民亦可免粒米如珠之患近聞各省產米地方向有富戶將所收備穀囤積連年非遇價昂不至出糶以此為一色

酌定倉糧五

十年辛

之中不過以一已之收為一家之積為害尚未甚大近聞民間典舖竟有收當米穀一事子息甚輕招徠甚眾囤積甚多在典商不過多中射利而奸商刁販遂恃有典舖通融無不乘賤收買即如一人僅有本銀千兩買收米穀若干石遂向典舖質銀七八百兩飛即又買米穀又質銀五六百兩不許隨收隨典輾轉翻騰約計一分本銀非買至四五分銀數之米穀不至迨至來春及夏末秋初青黃不接米價勢必昂貴伊等權明子母陸續取贖陸續出糶是以小民一歲之收始則賤價歸商終成貴價歸民典商囤戶坐享厚利而小民並受其困矣此囤當米穀之為害甚烈也我

皇上軫念民間衣食宵旰靡寧而于採買積貯一事屢歷

宸衷各省大吏亦筭無餘策豈期民間典舖狼狽作奸止知利己不知病民若不嚴行禁絕正恐歲登大有不免食貴之虞且他省風聞難免效尤之舉蓋囤當之弊江浙尤甚而囤當之物并不獨米穀也每年遇禾絲告成及秋底棉花成熟此等商戶一如收當米穀恣胆張羅竟似小民衣食之計止以供奸商網利之圖其有關於百姓生計者豈淺鮮哉目下正屆秋麥將登新絲將出之候仰祈皇上飭諭直省督撫嚴飭州縣有司無論城鄉典舖如有囤積米穀等貨尚未糶賣者諭令首出照值官為收買免其懲治倘敢隱匿不

報一經發覺即照遺制律嚴行治罪并嗣後每季取具各典舖並無囤當米穀等項遵依甘結存案有再犯者治罪如律如此庶米穀漸行流通生計漸可充裕窮簷節屋不無少補十萬一也臣言是否可採伏乞

聖慈訓示謹

奏乾隆十二年三月十四日奉

硃批所奏是著各該督撫照所請實力行之該部知道欽此

豐年出賣倉穀減價不必拘定五分

戶部為請酌豐年平糶等事浙江司案呈乾隆十二年四月初二日內閣抄出江西布政使彭家屏條奏豐年出賣倉穀減價不必拘定五分一摺內稱先經蘓撫張奏稱豐年酌減五分歉年酌減一錢嗣蒙

恩給荒歉之歲不必拘定一錢隨時酌量情形將應否若干之處預行奏請欽此是歉歲平糶已善毋庸議至豐年平糶設時市價稍長亦可于出陳易新之中帶寓平糶之意則其價不必照常例多減矣查州縣倉穀于臨糶之先則減報時價以為再減扣出張本其寔

豐年出賣一

士程五

市情不需如此多減徒以飽其私囊迨至秋成則高報時價以為不可買不思未稼登場之後斯無貴于青黃不接之時經上司催提始買一二塞責乃浮開價值希與撥補甚有不買而捏報已買且以原價不足求為撥給延至次春復捏減價往往有之是以州縣糶買兩事實有無數詐偽而糶時之欺弊尤不易除今臣非敢為因噎廢食之想時臣愚以為歉歲平糶辦法早蒙

聖主

燭照脩極允協而屢豐穀賤之年本無須拘例多糶應由為歉歲急需之用即使出陳易新遭遇市價稍長並遇平價似亦不必定減五分容隨時準量或減二分三分但還其常價為止俾民食常

足而官儲無損庶為公便等因具奏奉

上諭

據江西布政使彭家屏奏稱豐年出賣倉穀減價不必拘定五分一摺內稱地方官于糶買兩事無效詐偽而糶時之欺弊尤不易除等語彭家屏此奏切中各省州縣辦理情形但平糶乃惠民寔政豈容因噎廢食地方官籍端網利固屬不取亦由督撫司道平日不能稽查訓飭以致習為風氣即以廣東巡撫準奏因州縣支領養廉赴省遠達為之籌畫脚費經朕批示曉諭準奏果能以大義曉諭屬員屬員自當心折而惟徇一而之詞為之瑣屑經理獨不思輸免錢糧之年養廉許于別項支給已屬卹下深仁而于費數十金運脚之末

豐年出賣二

士彥岳

斤斤計較可見州縣各官自顧之念重而奉公之意輕即其簞篋惟
謹保守無過乃出于懼罹法網之畏心非真知義理之大防安然而
不為也州縣為民父母間閭休戚所係而如此存心尚可望其奉行
德意惠養群黎以州縣之眾其中祇鴉蕪隅東修自好者當不乏人
而自私自利之習均所不免督撫撫轉移吏治之責當加意整頓正
己以倡司道司道并其秉公忠樞察屬吏時時訓飭痛除私弊務使
寔惠及民庶吏治可望肅清地方自有起色朕于吏治人心諄切誨
諭不啻再三而州縣之存心督撫之所見尚復如此因再頒此首懇
各督撫共勉之準奏彭象昇摺并發欽此

置買基地例

戶部為奏請動項等事江南司案呈乾隆十二年二月二十一日
准署蘇撫安 咨稱江省置買基地建造營房等項請銷地價未
能畫一前奉部文行令據寔確查畫一辦理妥議報部等因奉經
光後通飭江蘇等十一府州查議詳覆去後今據據江寧十一府
州所屬各州縣詳稱科則輕重不守價值貴賤各殊若按契給發
亦非畫一律則均請按時估值給價為便由府具詳覆查一州一
縣之中地土科則輕重各別有則重而瘠薄者有則輕而腴肥者
若就科則而定價值必致有薄產而得重值腴地而致輕價之慮

則是科則之輕重斷不能定畫一之價值也至如照原契給價似
乎近情寔有未洽查江蘇民間交易有典絕之分典則議限回贖
而價輕絕則世為管業而價重况東南沃壤荒土闢作良田今昔
情形迥異若買此等地土照荒地契價給予則小民墾闢之本
何償則是照原契給買之說又斷不能定畫一之價值也伏惟立
法必先審乎時勢下令尤貴順乎民情若置買官田必須畫一定
價似屬難行各州縣身任地方與民最近所議按照時價估給必
審度時勢民情相安確當故皆不約而同似應俯如所請嗣後凡
有各屬因公買賣基地務令地方官親履該地確加察勘坐落處

所地方肥瘠并仿照鄰田價值照時估價據寔給銀售買率平紋
銀九折給發度公帑得歸寔用小民獲免徧累相應各達等因前
來查先經本部于長洲縣置買營房基地准給案內以江省置買
地基請銷地價或有按民間原契價值給發者有照時價售買者
均未畫一本部碍難查辦行令確查畫一辦理妥議報部在案今
該署撫咨稱置買基地一州一縣之中地土科則輕重各別不能
畫一似應察勘坐落處所地方肥瘠并仿照鄰田價值照時估價
據寔給銀售買庫平紋銀九折給發等語查購置田地價值低昂
原視地土之肥瘠照時估價值為允當既據該撫詳悉妥議應如

江蘇嗣後凡遇各屬公事置買基地務令地方官確加查勘坐落
處所地方肥瘠仿照鄰田價值照時估價據實給銀售買庫平紋
銀九折給發仍于報銷之日聲明所買地畝肥瘠并科則輕重及
鄰田價值取具地方官並無給少報多印結該管府州嚴加稽察
加結送部存案備查可也于乾隆十二年四月二十日准咨

契尾編號於騎縫處鈐印一存州縣備案一全季冊送司如
不請粘契尾照漏稅例治罪

戶部為遵

旨議奏事江南司案呈內閣抄出安慶巡撫潘 奏稱民間置買田產
征收稅銀請照地丁錢糧之例另設契稅印串聯三票分別給存
一摺乾隆十二年五月十二日奉

硃批該部議奏欽此于本月十三日抄出到部臣等查得安慶巡撫潘
奏稱民間田產投稅粘用契尾原以杜詐偽而止估爭法至善
也從前設立契紙之時奸民不能以偽契私印妄起告爭而州縣

奏

契尾編號一

上卷

每年征解稅銀亦不下數千百兩自復用契尾以來州縣視為無額錢糧易于侵隱往往不粘契尾濫用印白契任意侵沒不特征收稅項甚為寥寥且啟刁民偽契投印佔爭訟之弊或雖用契尾而以大改小侵短稅課如原署宿松縣劉洵征收稅契銀兩縮價短稅侵蝕銀五百餘兩經臣察出題恭究審在案竊查此弊所在多有緣州縣稅契並無印串流水上司憑以稽核者僅有稅簿一冊其中侵稅隱漏驟難查察而濫印白契尤屬民間滋訟之源似宜立法稽查以清積弊臣請照地丁錢糧之例另設契稅串聯三票一粘契尾為稅戶執照一為驗照于季報之時同冊申驗一

為照根存縣備核其印照契尾填註業戶姓名契價稅數並于票照騎縫處所大書稅銀數目對半裁截分別繳存掣給投稅之戶如驗有照縫銀數不符即係契侵一經察實將該州縣嚴揭叅追至設立契尾載在會典遵行已久隱匿稅課即同侵盜乃民則貪減稅銀甘印白契官則巧圖侵蝕不粘契尾一侵一漏其咎維均請嗣後凡業戶投稅必以契尾為憑無契尾者雖經用印發覺仍與漏稅同科庶官吏侵隱之弊可杜而民間偽契爭佔之風亦息矣等因具奏前來查民間置買田房產業向例由司頒契尾編給地方官粘連民契之後鈐印給發令民收執嗣于雍正六年經原

任河東總督田 題請設立契紙契根令布政司印發各州縣將契根截存契紙發各紙舖聽民買用遂將契尾之例停止于雍正十三年十二月內特奉

上諭民間買賣田房例應買主輸稅交官官用印信鈐蓋契紙所以杜奸民捏造文券之弊原非為增國課而牟其利也後經田文鏡創為契紙契根之法預用布政司印信給發州縣行之既久書吏貪緣為奸需索之費數十倍于從前徒能吏役之壑甚為閭閻之累不可不嚴行禁止嗣後民間買賣田房仍照舊例自行立契按則納稅地方官不得額外多取絲毫將契紙契根之法永行停止欽此續于乾隆

元年十一月內據原任廣東巡撫楊 奏稱契尾之例非准所征亦以杜捏造請仍照舊例復用等因覆准通行在案今安撫滿 奏稱自復用契尾以來州縣視為無額錢糧任意侵沒不特征收稅項寥寥且啟刁民偽契投印佔爭許訟之弊或雜用契尾而以大改小侵短稅課請照丁地錢糧之例另設契稅串聯三票一為稅房執照于季報之時同冊申驗一為照根存縣備核其印照契尾填註業戶姓名契價稅數騎縫處所大書稅銀數目對半截截分別繳存掣給等語臣等伏查丁地正項錢糧歲有定額州縣征收設立聯三串票一給完糧花戶收執一送上司稽核一存州

縣倫業以杜加派私征及以完捏欠之弊至田房契稅係屬舊項
 民間投稅之時始有征收與地丁正賦按則輸納者不同是以向
 例由布政司預領契尾發各州縣填給業土收執今該撫奏稱自
 用契尾以來民間貪減稅銀甘印白契官則巧圖侵吞不粘契尾
 或以大收小等弊請照下地錢糧之例另設聯三串票蓋其意在
 立法稽查剔釐弊端起見但與正項錢糧同一征收名色究與舊
 制未協應將該撫奏請另設聯三串票之處毋庸議至復用司領
 契尾原以杜刁民捏造假契致致爭佔訐訟之風並非為增稅而
 設惟是日久法弛似應稍為變通以清弊實除民間置買田房俱

令布政司預領契尾鈐蓋司印發各州縣存貯粘聯民契給發買
 主收執仍照例遵行無庸更易外但從前止設契尾粘給于民該
 管上司無從稽查以致不肖有司濫印白契以大改小種種情弊
 在所不免是稽覈在官之法不可不嚴臣等酌議嗣後令布政司
 多領契尾編列字號于駢繼處所鈐蓋印信仍發各州縣俟民間
 投稅之時填註業戶姓名契價稅銀數目一存州縣備案一同季
 冊申送布政司查核此係官為須發仍存在官與百姓毫無滋擾
 較之從前契紙發鋪令民價買者迥不相同應令州縣實力奉行
 倘有不肖官吏仍蹈前轍希圖侵隱一經發覺即將該州縣嚴叅

照例議處至于小民無知貪賦稅銀甘印白契致啟爭訟之端應
令布政司通行出示曉諭如有不請粘契尾者經人首報即照漏
稅之例治罪如此則官吏侵隱之弊該管上司有所稽核而民間
捏造爭佔之風亦息矣係

命下之日通行各直省督撫一體遵行可也乾隆十二年六月初二日

奏本日奉

旨依議欽此

八旗戶下家奴不准歸入佐領作為開戶

戶部為請

旨事江南司案呈乾隆十二年七月十八日准稽查現審處將本部摺
奏八旗戶下家奴有借名設法贖身私入民籍以及旗民兩間者
例應歸旗入于原主佐領下作為開戶此等戶口雖歸于原主佐
領之下俱係佐領下之開戶而非原主名下之開戶既無本主拘
管而披甲當差等事又有各佐領等另戶伊等不能挑補差使閒
散無事必致漸成游惰伏查先經議政大臣等會同八旗大臣所
定條款向有乾隆元年以前放出為民之戶果係伊主情愿放出

條奏

八旗戶下一

七年六

法禁嚴今所奏庫丁搬鞘顧此失彼不無貽誤至庫大門章京一員披甲二十名巡邏又有解員解役自行看守嚴密應將該御史所奏毋庸議至奏稱撥各司皂隸同捕之處查前經皂役人等勒索嚴禁不許搶鞘今奏請仍令伊等搶鞘恐有未便請嗣後各省銀鞘到部責令門役報明當月司及司務廳酌派皂役在二門外四達之區分項照管嚴行防護眼同管解員役僱傭人夫刻時入庫不得少延所派皂役等倘有需索偷竊等弊將該管官員分別查議并令報明庫大使及值日筆帖式等亦着派役巡查防護入庫捕完之後照例立即會同該司司員將鞘數逐一點明責令看

庫章京同披甲以及原解員役加意看守自無疎虞其庫丁皂役既不便令其搶鞘看鞘應將該御史奏請設籌收鞘之處毋庸議再查各處錢糧起解到部自設大使以來管解員役將批迴申文例投大使廳大使據批會同戶部承辦司員點明鞘數將批迴呈堂打到發戶部承發科及三庫檔房掛號仍由承發科付送銀庫將申文轉發戶部承辦司分該司據文出具司付送庫庫員俟批付到齊之日查明數目相符始可收兌况解到錢糧數目多寡不等或五六萬或七八十萬如所解係元寶每日可收二十餘萬若係散碎銀兩務須悉驗成色每日祇可收銀八九萬兩又如一日

之內或二三處或四五處同日解到斷難一齊兼收是以向來俱按進庫先後挨次劈兌今若必定三日之內一齊收完給發批迴事屬難行應將該御史請定三日內收銀發批之處亦毋庸議等因于乾隆十二年七月二十六日奉

旨依議欽此

被災地方之綠旗兵丁一體查卹

戶部為欽奉

上諭事江南司案呈乾隆十二年八月初六日內閣奉

上諭據安寧奏稱蘇松等屬之崇明寶山上海鎮洋常熟昭文南匯江陰各縣沿海沿江等處于七月十四日夜颶風陡作大雨傾注海潮泛溢田禾被淹人民房屋亦有漂沒冲塌而崇明寶山為最重上海鎮洋似覺亦重現在分別查辦其沿海未經報到之處查明續奏等語該處民人猝被風潮非尋常水災可比朕心深為憫惻著該督撫等加意撫綏實力查辦至綠旗兵丁固有糧餉例不撫卹但是日風

被災地方一

十五年

委員盤查若行查出將不行揭報贍狗各上司一并叅處如已經揭報而該督撫不即題叅者照例議處務須恪遵定例實為奉行庶稽查有方可以杜碾用那移之漸于倉儲實有裨益俟

命下之日臣部通行各省督撫一體遵照可也于乾隆十二年九月初四日奏本日奉

硃批依議欽此

禁地丁奏銷獎竇

戶部為清釐陋弊等事江西司案呈乾隆十二年九月初五日准戶科移會內稱照得各當地丁奏銷一應錢糧飯銀批廻并漕白糧全單各省類料物件及外省各鈔關各倉季報考核等項統屬戶部管理分交各司按例考核查對精詳而定例又俱隸戶科通行查驗磨對但部科辦事苟有不同部則各省一應錢糧物料解官詳役俱係投部交納分批各司各庫詳細查核辦理自無不妥料則亦因一切事務無不關係錢糧雖盡屬本科親加詳查核對如有舛誤斷不容書辦詭計欺隱必行駁查明確始為完結果係

奏

禁地丁奏銷一

十年七

相倚亦必不容書辦借端尋庇高下其手進是各處批送冊領
簿領批有差官者有差吏者有差解役者其奉差官吏人役不知
徑換本科衙門隨到隨辦並無阻滯扞格毫非書辦可以操縱而
至京每或先覓書辦講究首尾每令居倚就中舞弊致被不法書
辦勒指詐欺以害公務該差官解役一時失見妄行賄賂意謂求
以速順完事此等弊端竟未可定與使愚朦試法未若先施教諭
今本科除將前項緣由明白曉示各處來官解役嗣後謹慎奉差
恪遵

功令投遞一應文冊承領一應簿冊務須親身直投本科當堂領遞

或有官役至京偶有疾病事故又恐稽延公務者亦許將到京現
在身寄何處并查出托故甘非等情令的切人具呈本科查明准
其代投代領不得本身假故不肯赴京投科領遞文冊故行轉假
書辦之手自干藐玩

功令亦不得本身既已到京甘為不肖以為不通書辦關節事不可
結故蹈前轍妄罹賄賂之罪至既經明白曉示如有書辦胆敢在
外仍行借端勒指詐欺立即指告刺不稍縱倘該官役雖即一時
失身被騙許給者仍許到科據實自首立即查明與本人無干斷
不使受拖累惟將該書辦嚴行治罪以懲不法等由詳細分晰曉

條

禁地丁奏錄三

十年六

示明白并應脩叙移會貴部煩為轉行各省差關等處各飭來京
解官解吏人役嗣後至京務必俱各親身直赴本科衙門當堂投
遞一應文冊承領一應簿批不但可除蠹吏滋擾亦甚有便官役
則陋弊以之清釐公務以之整肅矣等因前來相應行文各省查
照辦理可也

諭免被災崇明縣應徵錢糧并兵丁賞給一月錢糧

戶部為欽奉

上諭事江南司案呈乾隆十二年九月初六日内閣抄出奉

上諭本年七月十四日蘇松等處倖被風潮而崇明一邑受災為尤重
朕前據安寧奏報深為憫惻即降旨諭令加意撫卹并截留漕米以
備接濟又令大學士高 苗南查辦月餘以來憂心未嘗稍釋今續
據安寧查報崇明一邑坍塌房屋漂沒人民甚多以此非常之災朕
覽奏徬徨軫惻寢食為之不寧惟有速籌補救庶災黎得獲安全現
安寧奏報已撥運倉穀二十餘萬石並弛海口之禁俾商販流通米

上諭

諭免被災一

七年九月

價不致甚貴則米糧一項似可無虞惟是房屋坍塌貧民無棲身之所况轉瞬即屆嚴冬應速行給貸修葺并于常例之外量為加增俾得役容措辦至于來春播種關係甚重亟應借給籽種及時耕作亦令該督撫董率有司預行經理又思崇邑被災既重縱使賑恤多方恐元氣不能驟復所有該縣應徵明年地丁錢糧特沛殊恩全符豁免至本年未完地丁以及折徵漕項並歷年帶徵緩徵銀兩槩予停緩其綠旗兵丁朕已加恩一体撫恤但念伊等廬舍人口同被災傷雖經安輯未免拮据着再加恩各賞給一月錢糧以資用度至寶山鎮洋各處被災次于崇明輕重不等其應如何賑卹加恩之處着大

學士高會同督撫悉心酌議無違常例至快辦理欽此

登災黎于衽席以副朕夙夜焦勞怵惕靡寧之意該部即遵諭進行

欽此

諭免被災二

五年

殊批知道了欽此

其餘兵丁並無虧缺即營兵員各該處是缺到千恭即奉茶四
營兵員缺額之數查百兵丁缺額之十三歲以女一戶數無缺
恭即奉茶四營兵 卅餘回照 奉會本平小月十五日 恩恭普前
西心養慈劑

恭即奉茶四營兵員缺額之數查百兵丁缺額之十三歲以女一戶數無缺

諭查積欠錢糧加意稽查妥協辦理

大學士張 訥 尚書傅 字寄內開乾隆十二年九月二十一

日奉

上諭聞江蘇清理積欠此際有役侵蝕畏罪不能自完仍免糧戶代為
應承寔欠重出完納者甚多以致人言籍籍清查弊竇固難免議論
但原以除弊而所聞寔則辦理猶未盡善此弊尤宜釐剔從前糧戶
完納之時多有轉托吏胥代為輸將而奸胥蠹吏暗行侵蝕在所不
免此次清理若仍按糧戶追納小民有重完之累著傳諭安 此項
積欠內有係吏胥侵蝕者應向吏胥查追不得任其狡飾仍向糧戶

上諭

諭查積欠一

十五年

科務須加意稽查妥協辦理欽此

吏部奏入軍山... 工部開工... 日奉

日奉

大學士

尚書

字寄內閣

乾隆十二年九月二十四日奉

備查蘇...

訓諭米糧價值確訪市價不得隨意開送

總督部堂 為密札事准

大學士 尚書傳 字寄內閣乾隆十二年九月二十四日奉

上諭各省督撫開報米糧價值用以驗年時之豐歉審民食之盈虛必當確核時值據寔入告固不可故為減少亦不得有意加增前曾降旨令將價增價減之處比照上月填註原欲知寔在情形乃近見各省所報大抵多稱價貴有連年豐稔而僅開價中或仍開價貴者豈通屬竟無價賤之處歷歲總無價賤之時即一府一縣之中豈無上月價昂下月價減者蓋綠督撫所奏悉據州縣開送地方官若照寔

上諭

訓諭米糧

十三年

價中報則採買時不得浮開是以預為之地此亦情理所有不知奏報稍有不定則民生之盈絀必致壅於上聞非朕勤恤民隱之本意嗣後各督撫務必隨時確訪寔在市價不得一任屬員隨意開送又不可因朕此旨有意將米價裁抑少開以圖粉飾古太師陳物價以觀民風漢刺文問羊得馬民不敢欺傳稱循吏况六府八政首重穀食是曰民天其亟加之意毋增毋減俟奏事之便傳諭知之欽此

潮災地方兵丁家口入次貧項下按月給賑

戶部咨開江南司案呈軍機處交出江督尹 奏為遵

旨議奏事竊照災地兵丁月支餉糈不敷養贍家口業經臣於五年奏請將兵丁本身及家屬三口以內不准入賑其多餘家口就被災處所與齊民一體給賑荷蒙

聖恩俞允現在遵行今歲沿海一帶猝被風潮寔非尋常水災可比我皇上痾瘝念切

特降諭旨令臣等加意撫綏兵丁同被災傷一體查卹俾均沾寔惠臣等欽遵

諭旨當即督飭各屬將寔被潮災之兵丁槩照民例分別撫恤凡屬兵民已無不感頌

聖德之高深矣臣等親歷災地遍加閱勘風潮所到之處廬舍漂淌不口損傷慘苦情形深堪矜憫兵丁本身入伍操防不能兼營生計全賴糧餉養贍家口被潮之後損失衣物均須修補而分地彈壓往來巡查又不免于盤費僅藉應支月餉寔不免於拮据臣等仰體我

聖主優恤戎行之盛心與提鎮諸臣悉心詳酌將來正賑之時應請將坐落潮災地方之營分除兵丁本身不准入賑外所有家口各就

成災地方應賑分數俱入於飢民次貧項下一體按月給賑其被水者不許混行冒濫庶各兵俯仰無虞倍加感奮盡力巡防空地更得收寧靖之益至尋常被災仍照臣去年稟奏辦理不得援此為例等因具

奏乾隆十二年九月二十日奉

硃批軍機大臣會同該部議奏欽此欽遵于本月二十一日交出到部查乾隆十二年八月初六日奉

上諭據安寧奏稱蘇松等屬於七月十四日夜颶風陡作大雨傾注海海潮泛溢田禾被淹人民房屋亦有漂沒冲塌該處人民卒被風潮

非尋常水災可比朕心甚為憫惻着該督撫非加意撫綏莫力查辦
至綠旗兵丁因有糧餉例不撫恤但是日風潮昏夜驟至兵丁廬舍
人口同被災傷殊可軫念着一体查卹俾被災兵民均沾是惠欽此

又于九月初六日奉

上諭本年七月十四日蘇松等處猝被風潮而崇明一邑受災為尤重
朕前據安寧奏報深為憫惻即降諭旨令加意撫卹并截酌漕米以
備接濟又令大學士高 由南查辦月餘以來憂心未嘗少釋今續
據安寧查報崇明一邑坍塌房屋漂沒人民甚多以此非常之災朕
覽奏傍徨軫惻寢食為之不寧惟有速籌補救庶災黎得獲安全現

安寧奏報已撥運倉穀二十餘萬石並弛海口之禁俾商販流通米
價不致甚貴則米糧一項似可無虞惟是房屋坍塌災民無棲身之
所况轉瞬即屆嚴冬應速行給費修葺并于常例之外量為加增俾
得從容措辦至于來春播種關係綦重亟應借給籽種及時耕作亦
令該督撫董率有司預行經理又思崇邑被災既重縱使賑卹多方
恐元氣不能驟復所有該縣應征明年地丁錢糧特沛殊恩全行豁
免至本年末完地丁以及折征漕項並歷年帶征緩征銀兩概予停
緩其綠旗兵丁朕已加息一体撫卹但念伊等廬舍人口同被災傷
雖經安輯未免拮据着再加恩各賞給一月錢糧以資用度至寶山

山鎮洋各處被災次于崇明輕重不苛其應如何賑卹加息之處着
大學士高會同督撫悉心酌議無拘常例妥協辦理務使凋瘵復
蘇登災黎于衽席以副朕夙夜焦勞休惕靡寧之意該部即遵諭速
行欽此欽遵各在案今該督尹 等奏稱風潮所到之處廬舍漂湍
人口損傷慘苦情形深堪矜憫兵丁被潮之後損失衣物均須修
補往來巡查又需盤費僅藉應支月餉寔不免於拮据請將坐落
潮災地方之營分除兵丁本身不准入賑外所有家口各就成災
地方應賑分數入于饑民次貧項下一體按月給賑至尋常被災
仍照去年原奏辦理不得援此為例等語臣等伏查今歲江省秋

被潮災時僅

聖懷是以

特頒諭旨將災地兵丁列入齊民一體撫卹又于九月初六日復奉

諭旨綠旗兵丁着加息各賞給一月錢糧以資用度欽此彼時該督尹

尚未奉到是以奏請賑濟臣等伏思該地兵丁家口現在共沐

皇仁至周至渥該督撫等自可欽遵現奉

恩旨悉心查辦如果該處情形于撫恤併賞給一月錢糧之外尚有應

行接濟之處應令該督尹 等詳確查明會同商酌再行

奏明辦理可也等因乾隆十二年九月二十七日奉

修奏

勞批依議速行欽此

臣等查江南各省災區，自乾隆十二年以來，災情頻仍，民力凋敝。前經臣等會同督撫，酌議銀米兼放折賑定例，每米一石折給銀一兩。但思今歲潮災較重，寔不比尋常地方米價昂貴，照例折價尚恐不敷。着將崇明、丹九、州縣折賑口糧，每石增給銀二錢，俾窮黎得從容購覓，均沾寔惠。欽此。

折賑米石每石加增二錢 上諭

戶部為欽奉

上諭事江南司案呈乾隆十二年十月初五日内閣奉

上諭江蘇蘇州府屬沿海被災之地現在加息按月給賑經大學士高

會同該督撫等酌議銀米兼放折賑定例每米一石折給銀一兩

但思今歲潮災較重寔不比尋常地方米價昂貴照例折價尚恐不

敷着將崇明丹九州縣折賑口糧每石增給銀二錢俾窮黎得從容

購覓均沾寔惠欽此

上諭

折則米石

三十一

期重由出與惠地此

據春耕期即中下田耕種期口耕每百畝畝二澆計糶糶計計

可與今耕種期重與不出單當此古米價最貴想爾世貴尚恐不

會回茲特將米價開列米價每石一石計銀一兩

土儲軍云南回業呈據前十二平十日內閣奉

文時應准奉

文時應准奉

各省鈔關

各省鈔關等處解官更役投遞文冊承領簿批務須親身投

科當堂領遞不得假手書辦

戶部為清查陋弊等事江西司案呈照得各省地丁奏銷一應錢

糧飯銀批迴并漕白糧全單各省顏料物件及外省各鈔關各倉

季報考核等項統屬戶部管理分交各司按例考查核對精詳而

定例又俱隸戶科通行查驗磨對但部科辦事勢有不同部則各

省一應錢糧物料解官解役俱係投卸交納分批各司各庫詳細

查對辦理自無不妥科則不然因一切事務無不關係錢糧雖盡

屬本科親加詳查核對如有舛誤斷不容書辦詭寄欺隱必行駁

條例

各省鈔關一

三十九

查明確方始完結果係相符亦必不容書辦借端尋疵高下其手
惟是各處投批送冊領簿領批有差官者有差吏者有差解役者
其奉差官吏人役不知徑投本科衙門隨辦並無阻滯扞格毫非
書辦可以操縱而至京每或先覓書辦講究者尾聳令居奇就中
舞弊致被不法書辦勒措詐欺以害公務該差官解役一時失見
妄行賄賂意謂求以速順完事此等弊端竟未可定與使愚蒙試
法未若先施教諭令本科除將前項緣由明白曉示各處來官解
役嗣後謹慎奉差確遵

功令投遞一應文冊承領一應簿批務須親身直投本科當堂領遞

或有官役至京偶有疾病事故又恐稽延公事者亦許將到京現
在身寄何處并查出託故甘罪等情令的切人具呈本科查明准
其代投代領不得本身假故不肯赴京投科領遞文冊故行轉假
書辦之手自干藐視

功令亦不得本身既已到京甘為不肖以為不通書辦閱節事不可
結故蹈前轍妄罹賄賂之罪至既經明白曉示如有書辦胆敢在
外仍行借端勒措詐欺立即指告刻不稍縱倘該官役雖即一時
失見被騙許給者仍許到科據實自首立即查明與本人無干斷
不使受拖累惟將該書辦嚴行治罪以懲不法等由詳細分晰曉

示外應備叙移會貴部煩為轉行各省鈔關等處各飭來京解官
解吏人役嗣後至京務必俱各親身直赴本科衙門當堂投遞一
應文冊承領一切簿批不但可除蠹吏滋擾亦甚有便官役則陋
弊以之肅清公務以之整飭矣乾隆十二年十月准咨

覆奏崇明等縣被災兵民賑濟緩徵事宜

大學士高 兩江總督尹 署蘇州巡撫安

奏為欽奉

上諭事准戶部咨開乾隆十二年九月初六日奉

上諭本年七月十四日蘇松等處猝被風潮而崇明一邑受災為尤重
朕前據安寧奏報深為憫惻即降諭旨令加意撫卹并截留漕米以
備接濟又令大學士高 首南查辦月餘以來憂心未嘗稍釋今續
據安寧查報崇明一邑坍塌房屋漂沒人民甚多以此非常之災朕
覽奏傍徨軫惻寢食為之不寧惟有速籌補救庶災黎得獲安全現

條奏

覆奏崇明一

七年

據安寧奏報已撥運倉穀二十餘萬石並施海口之禁俾商販流通米價不致甚貴則米糧一項似可無虞惟是房屋坍塌災民無棲身之所况轉瞬即屆嚴冬應速行給資修葺并干常例之外量為加增俾得從容措辦至于來春播種關係甚重亟應借給籽種及時耕作亦令該督撫董率有司預行經理又思崇邑被災既重縱使賑卹多方恐元氣不能驟復所有該縣明年應徵地丁錢糧特沛殊恩全行豁免至本年未完地丁以及折徵漕項并歷年帶徵緩徵銀兩概予停緩其綠旗兵丁朕已加恩一本撫卹但念伊等廬舍人口同被災傷雖經安輯未免拮据着再加恩各賞給一月錢糧以資用度至寶

寶山鎮洋各處被災次于崇明輕重不若其應如何賑卹加息之處着大學士高會同督撫悉心酌議無拘常例妥協辦理務使凋瘵復蘇登災黎于衽席以副朕夙夜焦勞惻愍靡寧之意該部即遵諭速行欽此仰見我

聖主拯卹災患靡所不周愛養兵民有加無已隨啟謹謄黃遍行曉諭一面欽遵實力辦理伏讀

聖旨以崇明坍塌甚多應速行給資修葺并令于常例之外量為加增查崇明一縣被災甚重室廬坍塌露處堪憐自應速行給資在寒冬以前一律修整向例坍塌瓦房一間給銀七錢五分草房一間

條奏

聖後奏崇明二

三

給銀四錢五分乾隆十年淮北被水坍房奉

特恩瓦草房屋每間俱加修費二錢今崇明坍房應請照淮北十年之例增給俾民力從容得以及時繕葺又蒙

恩以來春播種關係甚重應借籽種預行經理查江省出借災田籽種向例每畝銀二分或米二升今崇明普被全災窮民籽種缺乏必多現今地方官查明凡屬災田未種貧苦無力者一例准借俾無悞耕種如不種春麥者俟來年東作時再酌借秋種至崇明災田應征地丁銀米除按分蠲免外蠲剩銀米按分帶征其歷年舊欠均于情形疏內題明俟來年麥熟後啟征今蒙

特沛殊恩將該縣應征明年地丁錢糧全行豁免至本年未完地丁以及折徵漕項并歷年帶徵緩徵銀兩概行停緩此誠培養元氣不使災後有輸將之苦所有情形疏內請俟來年麥熟啟徵各項銀米自應仰體

聖恩明年一概停緩統俟己巳年起徵崇明四營兵丁因猝被冲淹情甚艱苦先經奏明借給三個月餉銀茲蒙

聖恩念其拮据又賞一月錢糧寔在出於望外已經遵

旨照數賞給以資用度其實山鎮洋各處被灾輕重不苛應如何賑卹加恩之處

諭令臣等悉心酌議無拘常例妥協辦理查被潮災各屬極次貧民已
一體撫悉按分給賑災田借給籽種毋房助以修費成災田地應
蠲應緩地漕銀米舊欠錢糧俱于情形疏內分別題請今臣等謹

懇請按災之輕重復悉心斟酌尚有應請推廣

皇仁之處查被災次于崇明者鎮洋寶山上海南匯四縣境內毋房亦
多雖照例給費不敷修葺應請照崇明之例一并加增此內寶山
鎮洋二縣之災較重現在從優賑卹不致失所但明年麥熟以後
一切新舊錢糧即須陸續開徵但災後之民無力措辦未免艱難

應請將該二縣成災田地明年地丁錢糧并本年未完及一切緩
帶有欠銀米俱緩俟己巳年開徵則億萬災黎益沐

聖恩于無既矣至于沿海沿江被災各營兵丁家口先經奏明照民力
次貧之例一體入賑又分別重輕借給三月一月錢糧業已安輯
得所惟是所借之項若扣還月分太促則所領月餉又恐不敷養
贍臣等酌議借給三個月者分八季扣還借給一個月者分四季
扣足均于明年秋季扣起庶被災戎行俯仰更覺寬裕再被災地
方賑濟月分現在俱係照例辦理其冬底明春于常例之外應作
何加展之處俟臣等 安体察情形臨時分別另行奏請所有臣

等遵

旨辦理并悉心酌議緣由謹會摺具奏是否有當伏乞

聖主訓示臣等由崇明寶山鎮洋一帶勘災事後因臣尹 臣安

現在考試武關即前往江寧當面會商定稿之後臣高 于十月

初二日 臣高 臣安 臣高 臣安 臣高 臣安 臣高 臣安 臣高 臣安

奏乾隆十二年十月十六日奉

硃批知道了該部知道欽此

官兵典給民人地畝照歸化城之例辦理

戶部為敬陳末議等事江南司察呈本年十一月初三日准山西

司付開內閣抄出大學士領侍衛內大臣果毅公臣訥 等奏據

副都御史兼副都統德 奏稱奴才將彼處官兵舊有分給田畝

一事訊之城守尉巴楞泰據稱分給田畝有現存者亦有典與民

間者亦有將所得租銀作價限年贖出者亦有未贖出者所有給

民耕種取租者居多佃民耕種者二三十戶並無自種之人等語

伏祈

皇上交與撫臣準

令其會同城守尉巴楞泰將官兵舊有分給田畝

奏

官兵典給一

十年五

若干典與民間者若干未經贖出者若干之處確查俱令贖出永禁典與民間令開散子弟將離城左近田地學習耕種如有貧乏不能自有籽種者酌量借給于伊等應得錢糧內陸續扣還其有不能耕田之人令其同民夥種同分米穀等語查官兵分給田地原給伊等贍養家口之恒產且定例民人不得擅典旗地今若將典與之地一時俱令掣回未免于民有所滋擾再查歸化城蒙古典與民之田地俱視原典價值多寡酌定年限耕種不得過十二年掣回給與蒙古定例昭然但以耕種年限作價並未另給贖價今此項典與之地應令該撫交與城守尉即照此例掣回仍給原主

旨依議欽此

再所稱掣回之地令開散子弟耕種之處亦屬務本有裨生計之道事屬可行應令交與城守尉將此項田畝掣回時將可令耕種者臨時會同該撫酌量辦理再各省駐防之處亦有有田地者亦有無田地者總因年遠無所稽查應令各該管及地方大臣如有典與民間者亦俱照此辦理可也乾隆十二年十月十六日奏奉

旨依議欽此
同部議具奏欽此
書內開徵收漕米除明乾國際淨...
易取樣米并...
計本...

旨外難處

若干與民間名若干未解歸出者若干之屬亦在內人見日
與與民間令開散子弟將離城左近田地學耕種如實實之不
能自有種種者酌量借給于伊等應得錢糧內陸續扣還其有不
典與為國者亦與與出耕野可出掉割牛任種牛似十六日奏
亦無田此昔歸因平劉無派蘇查顯令各屬實實大司收
昔謝却會同蘇蘇酒量無野再各休蘇却之與亦亦亦田與亦亦
並軍風可計數令交與對中蘇蘇此心田田田田田田田田田
再與蘇蘇田之此令開端于京蘇蘇之與亦亦亦亦亦亦亦亦亦

收漕州縣嚴察胥吏錫斛淋尖折加誦貫

戶部為導

旨速

議具奏事雲南司案呈大學士會同臣部會議得協理山東道事
湖廣道監察御史馮鈐奏各省收漕弊竇一摺乾隆十二年十
月初十日奉

硃批

大學士會同該部速議具奏欽此欽遵該部出到該部臣等查得漕運
全書內開徵收漕米驗明乾圓潔淨透照部斛公平收兌如有淋
尖錫斛剝削斛底改換斛面及另取樣米并斛面餘米者搃漕各
督撫確查題參又于乾隆元年據陞任御史蔣炳條奏徵收漕米

條奏

收漕州縣一

七卷

蠹書舞弊州縣有司墮其術中亦有存心不肖通同作弊曲難刁
蹬踢斛淋火經摠理事務王大臣議令有漕督撫轉飭各屬將額
運漕糧驗明米色隨到隨收如有不按定例勒索加派私行改折
以及縱容胥吏舞弊侵蝕即行題參究治又于乾隆五年據御史
馬丙條奏徵收漕米蠹書舞弊曲難刁蹬踢斛淋火暗取明求弊
端百出及計倉中漕米盈餘足兌則折銀入橐官吏朋分經戶部
議令有漕督撫力為釐剔密行訪察如有私行改折勒索舞弊即
行嚴參究治等因各在案是收漕一切弊竇久有嚴禁之條又先
後臺臣條奏俱經摠理事務王大臣以及戶部節次議令各督撫

轉飭各屬實力奉行今據該御史所奏各省收漕踢斛淋火刁蹬
誹貫裡折外加倉有餘米即以銀錢折色種種弊竇與陞任御史
將炳等條奏情事相同在地方大吏自應力為釐剔使下屬蠹吏
無從作奸但恐日久玩生該管上司稽察不周以致諸弊漸滋亦
未可定且時值收漕又新舊漕臣更替之會尤應稽查嚴密務使
弊竇盡除庶小民不致若累應請行令摠漕及有漕督撫嚴飭各
該糧道不時訪察如各州縣有不按定例借端勒索私行折加以
及縱容胥吏舞弊侵蝕者即行指名題參嚴加究治可也乾隆十
二年十月十八日奏本日奉

休批依議速行欽此

禁衛軍訓練心身不致有異謝請令外郎又百餘種訓練各
木下安且和直外郎之許書高且更替之曾次於此查竊密終外
無於此不致於日又主站守土同習察不風以燈請懲漸幽亦
款即各都大計車因同守此亦六支自對亦高登限刻不屬露更
精貫野許此亦余商餘米明以果於此亦動野地實與期封時史
轉給各屬其亦本行今點結時史故奏各曾亦對照檢出共下銀

外居漢軍當先事防範

戶部為遵

旨會同議奏事江南司案呈內閣抄出湖督塞 奏前事查原奉
恩旨漢軍人等或祖父外任置立房屋或親族在外依倚資生或以手
藝各省居住不拘遠近聽從其便誠以伊等隨便散處可以各自謀
生也今該督慮及革退閑居人員潛往原官地方居住不免瞻顧
滋弊雖屬杜漸防微之意然官已離任事權不屬舊日紳衿吏役
不免情隨事遷則那借告艱說事納賄等情既難強之不相統攝
之人亦難行于呼應不靈之日此際居住無異編氓未必盡碍情

奏

外居漢軍一

七年允

而如該督所稱即或遇有前項情弊

因有常憲無論士民被害不甘隱忍無言即該管有司豈肯姑容貽累再現任道府州縣或有貧乏親族前往依倚誼難拒絕酌量容留原無逼勒情形何致那移公項蓋潔已之吏即親族資生未嘗不重帑項而不檢之沉即親族屏跡亦未必能絕侵那是該督所奏二項事雖或有但一二預憂流弊而設法查禁驅逐使伊等動多掣肘是防弊轉以滋弊與原奉隨便散處之

恩旨

相符且漢軍人等報明該旗前往各省居住其出外安靜與否該旗豈能逆料至向例地方官不得審理旗人事件今漢軍既許隨

處安若自當與民人同屬該地方官管束不必拘于向例倘有生事犯科隨其輕重按法懲治何必悉行驅逐歸旗始為防範無弊應將該督所奏或令本旗禁止或令在外驅逐之處毋庸議至該督奏稱漢軍願在外省居住者在京報明該旗轉咨戶部分咨各省每年歲底各省造冊咨報彙總奏

聞等語查原奉

諭旨在京報明該旗在外呈明督撫咨明該旗每年彙奏一次等因欽遵在案戶部為戶口總匯自應按籍稽查應如該督所請嗣後漢軍願在外省居住者在京報明該旗轉咨戶部分咨各省其

在外呈明督撫者亦一面咨明該旂一面咨報戶部仍于每年歲
底各省造冊咨送戶部彙總奏

聞廣八旗漢軍在外省既得安居樂業而部旂亦均有察冊可稽矣俟
命下之日臣部通行各省督撫并知照漢軍各旂一體欽遵辦理可也

乾隆十二年十月二十一日奉

旨依議欽此

諭各省採買倉穀弊竇由心釐剔調劑有方得收常平寔救
江南道監察御史歐堪善奏為敬陳積貯事宜仰祈

睿鑒事切惟民為邦本食為民天我

皇上旰食宵衣保民如子御極以來加增常平倉額俾賑卹之需有備
無患竟舜愛民心何以逾此願臣查各省數年以來無論年歲豐
歉米價俱苦昂貴即蜀楚西江素稱米藪米價亦數倍于康熙雍
正年間夫米穀者生民之大命也其米價之不平者必有致病之
由議者或以為生齒滋繁戶口食衆或以為歲時旱澇收成歉薄
或以為小民巧詐囤積居奇臣愚以為此數者勢所必有然米價

條奏

諭各省採一

士年九

之昂如不盡由此也夫康熙雍正年間去今未遠生齒之繁固不
如是之甚速且我

國家氣運與天無極豈再數百年而養民無善策乎若旱澇災侵何
時蔑有預此豐彼嗇亦可相濟查邇年各省雖有偏災而報豐稔
者亦復不少至閭戶居奇久經嚴禁地方官自當實力奉行何至
積弊連年聽其壟斷耶夫占有耕三餘一耕九餘三積貯固所以
便民但積貯行之而善則民享其利倘積貯而奉行不善則法立
弊生恤民者每為病民之具臣查數年前採買風行一省豐收各
省採買駢至米價立見騰湧此蜀楚西江所以受病也臣考常平

之法穀賤妨農故糴以便農穀貴妨民故賤糶以便民今查各省
秋成方登每穀一石需銀多至七八錢部價收倉定以四錢五錢
州縣當秋收買補倉之時每與實叢生或照糧派買或發銀衙役
里長赴鄉勒買其間州縣照部價交銀與富戶勒買者居多富戶
既領穀價則蓋藏有限勢必居奇州縣因其領價填倉亦賄徇弗
禁是以每年收倉後米價必昂春夏之間米價日湧州縣乃開倉
照時價平糶如時價每米一石需銀二兩官價每名減銀五分或
一錢每民一戶每日許買倉米三升鄉民離城遙遠勢難荒上赴
糴故買倉米者大率附近居民奈倉米粗糲市米稍潔赴倉則守

條奏

諭各省採二

壬午九二

候維艱赴市則交易甚便且價值相去無幾是以小民寧買市米而不願買倉米于是米舖牙行收買鄉間門牌勾通衙役倉書買受倉米不十餘日而倉米半歸米舖市價日昂官價亦增迨至倉穀漸空米價逾加昂貴且臣閱邸抄見本年八月內陝西巡撫特恭淳化縣知縣黃必達收還人平倉民借麥穀淨收斗面二百餘石又九月內浙江巡撫特恭錢塘縣知縣張開第令內幕蔡姓喚米舖私買倉米至一千九百三十石之多俱侵漁入己蓋連年糴糶積弊相沿米價之昂端率為此臣竊思米價平減雖遇偏災小民日食從容是豐年足而歉年亦足也若米價連年昂貴雖遇豐

收小民日食維艱是歉年荒而豐年亦荒也夫琴瑟不調甚者必解而更張之加增倉穀行之有年積貯雖多其如米價連年昂貴何臣愚以為欲行常平之法必遵常平定例穀賤始糴穀貴則寧不糴一切勒買之弊必嚴行禁絕也至穀貴開倉必照原價平糴每穀一石量加耗費些微凡倉書牙行弊端悉行嚴禁則倉穀平糴米價自可漸減若照時價平糴則米價日昂是官有平糴之名而民未受平糴之實也且臣伏思我

皇上愛養黎元每遇偏災賑卹不惜帑金數千百萬兩豈區區于倉穀平糴之原價時時校量錙銖但各省如此通行米價之昂不為無

因自不得不為之再四籌及也至于各省捐監倉穀亦請照部議
原價每石量加耗費平糶如此則倉穀之有餘可以濟民間之不
足行之數年渾元氣漸復穀米流通米價平減小民不致艱食此
則

國家之福而蒼生之倖也臣為米糧昂貴小民艱食起見用敢冒昧
瀆陳如臣言可採伏乞

皇上睿鑒施行乾隆十二年十月二十四日奉

上諭御史駸堪善條奏常平倉穀一摺經大學士會同該部議駁朕已
降旨依議積貯原為善政民命攸關行之不善亦足滋弊駸堪善所

奏雖難見諸施行但其摺中所陳採買平糶情由及種種弊竇亦不
無所見可將原摺抄錄寄與各該督撫令其知米貴受病之由隨時
隨地由心釐剔務使調劑有方得收常平是效於奏事之便寄去欽
此

九
創此由以整傷各到隨陳亦不致外常平安其效奏奉之旨若夫
無祖良下保京師外雜音與各趨督縣令其決去責受派之由則和
奏華縣良節蘇許且其計中祖刺射買平縣計由

江省清理積欠錢糧後侵自首銀兩分別多寡定限追

蘇撫都院安 奏為酌議請

上旨事竊照江省清理積欠錢糧一案臣等督率屬員悉心籌辦書役侵
蝕之弊奸巧百出難索以等不敢瀆陳至見在各屬書役自首侵
蝕之銀已有二十二萬餘兩除被災各屬因印官辦賑無暇暫行
停止外通計蘇松等府已辦至十之八九淮徐等府已辦至十之
二三臣等見在隨時酌量督辦惟是書役自首免罪之限期臣等
從前原議不得示稍示嚴峻今伊等既已畏法肯出自當仰體
皇仁量為寬展俾得舒徐完納查臣等從前原奏凡書役侵蝕如據實

奏列

江省清理一

十五年

自首並無隱匿果能于三個月內全數通完者免其治罪如不能完按其侵蝕之數照例減二等定擬經

廷臣議准欽奉

俞旨允行在案今查各屬書後自首之後有一人而數至盈千累百者此等奸胥猾蠹侵欠錢糧至于如許于法本無可貸但既今據實首出尚有畏罪之心況為數既多則完繳不易若不按其多寡分晰差等槩限三月即行擬罪監追不但無以廣自新之路更欠多者觀望不肯則積弊轉不能盡露現據各州縣稟請展限俾得設法完繳當經飭行藩司議詳茲據署布政使愛必達詳稱凡書

後從前侵蝕今據實自首者請從該邑查清造冊完繳之數除數在百兩以內者仍照原議勒限三個月追清逾限不完即擬罪監追外其有欠至百兩之外至五百兩以上者請限六個月六百兩至一千兩以上者限一年全數通完照例免罪如逾限不完或雖有完數不及五分者按未完銀數仍照前議擬罪監追如完足五分者再請酌予加展原限六個月者再限三個月原限一年者再限六個月按數通完如仍不全完亦按未完銀數照前議擬罪監追等情前來臣等覆加籌酌意見相同謹合詞恭摺具


奏伏乞

御德

皇上虞恩訓示謹

奏乾隆十二年十二月初七日奉到

硃批著照所請行咨部知之欽此



寬政戊午

吳正公休再請調子必列六國民咨再請...
 友輔亦宗規不且正公休亦宗規...
 百兩至一千兩以上者則一半全燒...
 畢則其休亦入至百兩之休至五百...
 利燒其百兩以內者則其休則三...
 外將而新給今蘇州府首休請...
 查指至世宗憲年...
 其休亦宗規不且正公休亦宗規...
 百兩至一千兩以上者則一半全燒...
 畢則其休亦入至百兩之休至五百...
 利燒其百兩以內者則其休則三...
 外將而新給今蘇州府首休請...
 查指至世宗憲年...

